



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՏՐԱՆՍՊՈՐՏԻ ԵՎ ԿԱՊԻ ՆԱԽԱՐԱՐՈՒԹՅՈՒՆ

ՀԵՌԱԽՈՍԱՅԻՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ

Լ Ի Ց Ե Ն Ձ Ի Ա

N 765

Տրվում է՝

«Ղ-ՏԵԼԵԿՈՄ»

փակ բաժնետիրական ընկերությանը (Լիցենզառու)

ՀՀ, ք. Երևան, Խանջյան 50

Գործունեության տեսակը՝

Շարժական կապի գլոբալ համակարգի (GSM) ծառայություններ, այսինքն 900/1800 ՄՀց ռադիոհաճախությունների տիրույթում հանրային շարժական կապի ծառայություններ, որոնք մատուցվում են Հեռահաղորդակցության ստանդարտների եվրոպական ինստիտուտի կողմից ժամանակ առ ժամանակ հրապարակվող GSM-ի (Global System for Mobile communications) տեխնիկական սպեցիֆիկացիաներին համապատասխան ստեղծված միջազգային բջջային ռադիոկապի համակարգով:

Սույն լիցենզիայի իմաստով «Հանրային շարժական ծառայություններ» նշանակում է ռադիո հեռահաղորդակցության այնպիսի ծառայություններ, որոնց դեպքում ծառայություն մատուցողներն իրավասու են հանրությանն առաջարկել և վարձով տրամադրել շարժական հեռահաղորդակցության ծառայություններ, ներառյալ բջջային հեռախոսային ծառայություն, փեյջինգ, անձնական հաղորդակցության ծառայություններ, մասնագիտացված



շարժական ռադիո, GSM, շարժական արբանյակային ծառայություններ կամ շարժական այլ ռադիոծառայություններ, որոնց համար կարող են լիցենզիաներ տրամադրվել և հաճախություններ հատկացվել համապատասխան պետական մարմինների կողմից

Գործունեության իրականացման վայրը՝

Հայաստանի Հանրապետության տարածք

Լիցենզիայի գործողության ժամկետը՝

15 տարի

Լիցենզառուի գրավոր դիմումի հիման վրա լիցենզիայի ժամկետն երկարաձգվում է տասնհինգ (15) տարով, ընդ որում, այդ դիմումը պետք է ներկայացվի ոչ շուտ, քան լիցենզիայի ընթացիկ ժամկետի ավարտից քսանչորս (24) ամիս առաջ, սակայն ոչ ուշ, քան դրա ավարտից տասներկու (12) ամիս առաջ, եթե ոչ ուշ, քան լիցենզիայի համապատասխան ժամկետի ավարտից վեց (6) ամիս առաջ Տրանսպորտի և կապի նախարարությունը կամ որևէ այլ մարմին, որը Հայաստանի Հանրապետության կառավարության կողմից կամ Հայաստանի Հանրապետության օրենքով լիազորված է կարգավորելու Հայաստանի հեռահաղորդակցության ոլորտը, (Կարգավորողն) էական առարկություններ չի ներկայացնում լիցենզիայի նորացման դեմ: Եթե առարկությունները ներկայացվում են լիցենզիայի համապատասխան ժամկետի ավարտին նախորդող վեց (6) ամիսների ընթացքում տեղի ունեցող իրադարձությունների առնչությամբ, ապա Կարգավորողի կողմից առարկություններ ներկայացնելու դեպքում վերը նշված ժամկետային սահմանափակումները չեն կիրառվում:

Ժամկետի երկարաձգման այդպիսի դիմումների առնչությամբ Լիցենզառուն իրավասու է ստանալ լիցենզիայի ժամկետի երկարաձգում, եթե լիցենզիայի գործողության ընթացքում Լիցենզառուի գործողությունները բոլոր էական առումներով համապատասխանել են լիցենզիայի և կիրառելի մյուս օրենքների, իրավական ակտերի և կանոնների դրույթներին:

Ժամկետի երկարաձգման դրույթները և պայմաններն որոշելիս Կարգավորողը կարող է հաշվի առնել հանգամանքների ցանկացած փոփոխություն՝ ներառյալ տեխնոլոգիական առաջընթացը:

Կարգավորողը պետք է քննարկի ներկայացված դիմումը հնարավորինս սեղմ ժամկետներում՝ պայմանով, որ Կարգավորողը Լիցենզառուից կարող է պահանջել ցանկացած փաստաթուղթ կամ



անհրաժեշտ տեղեկություններ, որոնք ողջամտորեն անհրաժեշտ են
Լիցենզառուի գործունեության վերոնշյալ համապատասխանության
ստուգման համար:

Լիցենզիայի ժամկետի երկարաձգման համար որևէ վճար չի
զանձվում:

Լիցենզիան տալու ամսաթիվը՝

04.11.2004թ.

**Լիցենզառուի գործունեության իրականացման համար պարտադիր
պահանջներ կամ պայմաններ՝**

- ա. Լիցենզառուն պետք է գործունեության իրականացման ընթացքում
դեկավարվի Հայաստանի Հանրապետության օրենսդրության
պահանջներով, ներառյալ Կարգավորողի ընդունած ակտերով,
ինչպես նաև Հայաստանի Հանրապետության կառավարության
կողմից 2004 թվականի նոյեմբերի 3-ին հաստատված «Արմենիթել ՀԶ»
փակ բաժնետիրական ընկերությանը տրամադրված թիվ 60
լիցենզիայի լրացված և վերահաստատված տարբերակում
ամրագրված երկրորդ GSM օպերատորի պարտավորությունների
վերաբերյալ դրույթներով,
- բ. Լիցենզառու ընկերությունը կարող է փոխանցվել այլ
սեփականատիրոջը (այդ թվում դատական վարույթի արդյունքում)
միայն Կարգավորողի գրավոր համաձայնությունը ստանալուց հետո
կամ իրավահաջորդության կարգով: Հակառակ դեպքում լիցենզիան
ենթակա է դադարեցման:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՏՐԱՆՍՊՈՐՏԻ ԵՎ ԿԱՊԻ ՆԱԽԱՐԱՐ

04 նոյեմբեր 2004 թ.



Ա. ՄԱՆՈՒԿՅԱՆ



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
Ո Ր Ո Շ ՈՒ Մ**

1 նոյեմբերի 2019 թվականի №403Ա
ք.Երևան

**«ՄՏՍ ՀԱՅԱՍՏԱՆ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆԸ ՏՐԱՄԱՂԻՎԱԾ
ԹԻՎ 765 ԼԻՑԵՆԶԻԱՅԻ ԳՈՐԾՈՂՈՒԹՅԱՆ ԺԱՄԿԵՏԸ ԵՐԿԱՐԱԶԳԵԼՈՒ ՄԱՍԻՆ**

Հիմք ընդունելով «Էլեկտրոնային հաղորդակցության մասին» օրենքի 13-րդ հոդվածը, «Նորմատիվ իրավական ակտերի մասին» օրենքի 1-ին հոդվածի 2-րդ մասը, 33-րդ և 34-րդ հոդվածները, Հայաստանի Հանրապետության հանրային ծառայությունները կարգավորող հանձնաժողովի 2013 թվականի հուլիսի 31-ի №272Ն որոշումը և հաշվի առնելով «ՄՏՍ Հայաստան» փակ բաժնետիրական ընկերության (այսուհետ՝ Ընկերություն) 2018 թվականի սեպտեմբերի 3-ի №MH/L180767/1.0/RV գրությունը՝ Հայաստանի Հանրապետության հանրային ծառայությունները կարգավորող հանձնաժողովը (այսուհետ՝ Հանձնաժողով) որոշում է.

1. Երկարաձգել Հայաստանի Հանրապետության տրանսպորտի և կապի նախարարության կողմից «Ղ-ՏԵԼԵԿՈՄ» փակ բաժնետիրական ընկերությանը տրամադրված և Հանձնաժողովի 2017 թվականի մայիսի 5-ի «Ղ-ՏԵԼԵԿՈՄ» փակ բաժնետիրական ընկերությանը տրամադրված հեռախոսային ծառայությունների մատուցման լիցենզիան, ռադիոհաճախականությունների օգտագործման և համարների զբաղեցման թույլտվությունները վերաձևակերպելու մասին» 152Ա որոշմամբ Ընկերության անվամբ վերաձևակերպված №765 լիցենզիայի գործողության ժամկետը՝ մինչև 2034 թվականի նոյեմբերի 4-ը:
2. Ընկերության №765 լիցենզիայի պայմանները շարադրել նոր խմբագրությամբ՝ համաձայն հավելվածի:
3. Սույն որոշումն ուժի մեջ է մտնում 2019 թվականի նոյեմբերի 4-ից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀԻ
ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ՝**

ք.Երևան
1 նոյեմբերի 2019թ.



**«ՄՏՍ Հայաստան» փակ բաժնետիրական ընկերության հանրային էլեկտրոնային
հաղորդակցության ցանցի (ցանցի շահագործման) լիցենզիայի**

Պայմանները

(Լիցենզիա №765)

1. Լիցենզիայում օգտագործված հիմնական հասկացությունները

1. Սույն լիցենզիայում օգտագործված հիմնական հասկացությունները սահմանվում են հետևյալ կերպ՝
 - 1) Հանձնաժողով՝ Հայաստանի Հանրապետության հանրային ծառայությունները կարգավորող հանձնաժողով.
 - 2) Լիցենզավորված անձ՝ «ՄՏՍ Հայաստան» փակ բաժնետիրական ընկերություն.
 - 3) Հանրային էլեկտրոնային հաղորդակցության ցանց՝ էլեկտրոնային հաղորդակցության ցանց, որն ամբողջովին կամ հիմնականում օգտագործվում է հանրային էլեկտրոնային հաղորդակցության ծառայություններ մատուցելու համար.
 - 4) Լիցենզիա՝ Հանձնաժողովի կողմից Լիցենզավորված անձին տրված սույն փաստաթուղթը, որը հավաստում է Լիցենզավորված անձի՝ Հանրային էլեկտրոնային հաղորդակցության ցանց շահագործելու իրավունքը և պարտականությունը.
 - 5) Ֆորս մաժոր՝ արտակարգ և անկանխելի դեպքեր և հանգամանքներ, որոնք ստեղծվել են Լիցենզավորված անձի կամքից անկախ, ներառյալ (սակայն չսահմանափակվելով դրանցով) բնական աղետները, բնության ուժերի արտասովոր ուժեղ դրսևորումները, ինչպես, օրինակ, ջրհեղեղները, երկրաշարժերը, փոթորիկները, պտտահողմերը, նաև սաբոտաժային գործողություններ, ահաբեկչություններ, պատերազմներ, ապստամբություններ, հասարակական անկարգություններ, գործադուլներ, որոնք խոչընդոտում են Լիցենզավորված անձի գործունեությունը կամ հանգեցնում նրա ստանձնած ցանկացած պարտավորության կատարման ձգձգման կամ դադարեցման՝

հակառակ նրա կողմից գործադրված ջանքերի՝ խուսափելու, թուլացնելու կամ վերացնելու այդ ուժերի ազդեցությունը.

- 6) Հանրային էլեկտրոնային հաղորդակցության ծառայություն՝ էլեկտրոնային հաղորդակցության ծառայություն, որն առաջարկվում է հանրությանը կամ վերջնական օգտագործողների այնպիսի խմբակարգերի, որոնց շնորհիվ այն, ըստ էության, ուղղակիորեն հասանելի է դառնում հանրությանը.
- 7) Վերջնական օգտագործող՝ ցանկացած անձ, որն օգտագործում է Հանրային էլեկտրոնային հաղորդակցության ծառայություններ, սակայն այդպիսիք չի առաջարկում երրորդ անձանց.
- 8) Հաճախորդ կամ բաժանորդ՝ ցանկացած անձ, որն օգտագործում է Հանրային էլեկտրոնային հաղորդակցության ծառայություններ կամ դիմում է դրանց օգտագործման համար: Սույն հասկացությունը չի տարածվում այն անձանց վրա, որոնք առաջարկում կամ մատուցում են հեռահաղորդակցության ծառայություններ.

2. Լիցենզավորված գործունեության էությունը կազմող գործառույթները

2. Լիցենզիան ուժի մեջ մտնելու պահից Լիցենզավորված անձին իրավունք է տրվում և պարտավորեցվում է ստեղծել կամ զարգացնել հանրային էլեկտրոնային հաղորդակցության ցանց կամ կազմակերպել դրա օգտագործումը:

3. Լիցենզիայի գործողության ժամկետը

3. Լիցենզիան ուժի մեջ է մտնում 2004 թվականի նոյեմբերի 4-ից:
4. Լիցենզիան ուժի մեջ է մինչև 2034 թվականի նոյեմբերի 4-ը:
5. Լիցենզավորված անձի գրավոր դիմումի հիման վրա լիցենզիայի գործողության ժամկետն երկարաձգվում է տասնհինգ (15) տարով, ընդ որում, այդ դիմումը պետք է ներկայացվի ոչ շուտ, քան լիցենզիայի ընթացիկ ժամկետի ավարտից քսանչորս (24) ամիս առաջ, սակայն ոչ ուշ, քան դրա ավարտից տասներկու (12) ամիս առաջ, եթե ոչ ուշ, քան Լիցենզիայի համապատասխան ժամկետի ավարտից վեց (6) ամիս առաջ Հանձնաժողովը էական առարկություններ չի ներկայացնում Լիցենզիայի գործողության ժամկետի երկարաձգման դեմ: Եթե առարկությունները ներկայացվում են Լիցենզիայի համապատասխան ժամկետի ավարտին նախորդող վեց (6) ամիսների ընթացքում տեղի ունեցող իրադարձությունների առնչությամբ,

ապա Հանձնաժողովի կողմից առարկություններ ներկայացնելու դեպքում վերը նշված ժամկետային սահմանափակումները չեն կիրառվում:

Լիցենզավորված անձն իրավասու է ստանալ Լիցենզիայի գործողության ժամկետի երկարաձգում, եթե Լիցենզիայի գործողության ժամկետի ընթացքում նրա գործողությունները բոլոր էական առումներով համապատասխանել են Լիցենզիայի և կիրառելի մյուս օրենքների ու իրավական ակտերի դրույթներին: Լիցենզիայի գործողության ժամկետի երկարաձգման դրույթները և պայմանները որոշելիս Հանձնաժողովը կարող է հաշվի առնել հանգամանքների ցանկացած փոփոխություն՝ ներառյալ տեխնոլոգիական առաջընթացը:

Դիմումի քննարկման ընթացքում Հանձնաժողովը Լիցենզավորված անձից կարող է պահանջել ցանկացած փաստաթղթեր կամ տեղեկատվություն, որոնք ողջամտորեն անհրաժեշտ են Լիցենզավորված անձի գործունեության վերոնշյալ համապատասխանության ստուգման համար:

6. Լիցենզիայի գործողության ժամկետի երկարաձգման համար վճարվում է պետական տուրք՝ «Պետական տուրքի մասին» օրենքով սահմանված կարգով և չափով:

4. Լիցենզավորված գործունեության աշխարհագրական տարածքը

7. Լիցենզավորված անձի գործունեության տարածքը Հայաստանի Հանրապետության ամբողջ տարածքն է:

5. Լիցենզավորված գործունեության պայմանները

8. Լիցենզավորված անձի գործունեությունը պետք է համապատասխանի «Էլեկտրոնային հաղորդակցության մասին» և «Լիցենզավորման մասին» օրենքների, այլ օրենքների, Լիցենզիայի, Հանձնաժողովի կողմից ընդունված և այլ իրավական ակտերի ու ծառայությունների մատուցման պայմանագրերի պահանջներին:
9. Լիցենզիան չի կարող այլ անձանց օգտագործման տրվել, օտարվել կամ գրավադրվել բացառությամբ օրենքով նախատեսված դեպքերի:
10. Լիցենզիայի գործողությունը չի տարածվում Լիցենզավորված անձի հետ համատեղ, այդ թվում՝ համատեղ գործունեության պայմանագրով գործունեություն

իրականացնող այլ անձանց, ինչպես նաև Լիցենզավորված անձի մասնակցությամբ հիմնադրված կամ գործող իրավաբանական անձանց վրա:

11. Լիցենզավորված անձը պարտավոր է Հայաստանի Հանրապետության օրենսդրությանն համապատասխան ապահովել իրեն կողմից շահագործվող Հանրային էլեկտրոնային հաղորդակցության ցանցի հուսալիությունն ու անվտանգությունը:
12. Լիցենզավորված անձը՝ Հանձնաժողովի կողմից սահմանված կարգին և ձևերին համապատասխան, Հանձնաժողով է ներկայացնում տեղեկատվություն և հաշվետվություններ լիցենզավորված գործունեության մասին:
13. Լիցենզավորված գործունեության հաշվապահական հաշվառումը և հաշվետվությունը պետք է համապատասխանեն Հայաստանի Հանրապետության օրենսդրության և Հանձնաժողովի կողմից սահմանված իրավական ակտերի պահանջներին:
14. Լիցենզավորված անձը պարտավոր է վարել լիցենզավորված գործունեության առանձացված հաշվապահական հաշվառում:
15. Լիցենզավորված անձի՝ Հանձնաժողով ներկայացրած տեղեկատվությունը հրապարակային է, եթե այն Լիցենզավորված անձի կողմից չի համարվում գաղտնի և նշված չէ որպես «գաղտնապահական տեղեկատվություն»: Հանձնաժողովն իրավասու է ընդունել կամ մերժել նման տեղեկատվության չհրապարակման վերաբերյալ Լիցենզավորված անձի խնդրանքը:
16. Լիցենզավորված անձը պատասխանատվություն է կրում Հանձնաժողով ներկայացրած լիցենզավորված գործունեության մասին հաշվետվությունների և այլ տեղեկատվության հավաստիության համար:
17. Լիցենզավորված անձի և Հաճախորդների կամ Բաժանորդների, Վերջնական օգտագործողների փոխհարաբերությունները կարգավորվում են Հայաստանի Հանրապետության օրենքներով, Հանձնաժողովի ընդունած և այլ իրավական ակտերով, ծառայությունների մատուցման պայմանագրերով:

18. Լիցենզավորված անձը պարտավոր է Հանձնաժողով ներկայացնել իր մոտ անցկացված՝ լիցենզավորված գործունեությանը վերաբերող աուդիտորական կամ իրավասու մարմինների ստուգման եզրակացությունները և արձանագրությունները (ակտերը)՝ համապատասխան գործողությունների ավարտից հետո 10-օրյա ժամկետում:
19. Լիցենզավորված անձի բաժնեմասի (բաժնետոմսի, փայի) նկատմամբ իրավունքի օտարում կամ այլ կերպ փոխանցում կամ զիջում կամ գրավադրում կամ այդ անձի գործունեությունն ուղղակիորեն կամ անուղղակիորեն կանխորոշելու հնարավորություն ունեցող անձի փոփոխություն կարող է իրականացվել միայն Հանձնաժողովի համաձայնությունը Լիցենզավորված անձի կողմից ստանալուց հետո:
20. Լիցենզավորված անձը պարտավոր է վերակազմակերպման կամ անվանափոխման, կամ գտնվելու վայրի (իրավաբանական հասցեի) փոփոխման դեպքում այդ փոփոխությունների իրավական ուժ ստանալու օրվանից սկսած 15-օրյա ժամկետում այդ մասին տեղեկացնել Հանձնաժողովին՝ կցելով նշված տեղեկությունները հավաստող համապատասխան փաստաթղթերը:
21. Լիցենզավորված անձը պարտավոր է ազգային անվտանգության մարմինների պահանջով իր ապարատային միջոցների կազմում ընդգրկել լրացուցիչ սարքավորումներ և ծրագրային միջոցներ, ինչպես նաև անհրաժեշտ պայմաններ ստեղծել ազգային անվտանգության մարմինների կողմից օպերատիվ-տեխնիկական միջոցառումներ անցկացնելու համար:
22. Լիցենզավորված անձը պարտավոր է օրենքով նախատեսված դեպքերում և կարգով ապահովել իրավապահ և ազգային անվտանգության աշխատակիցների մուտքը հաղորդակցության սարքավորումներին, ենթակառուցվածքներին, միացնող-անջատող, ուղղորդող և նմանատիպ այլ սարքերին, ներառյալ՝ գաղտնալսումների իրականացման համար անհրաժեշտ սարքերին:
23. Լիցենզավորված անձը պարտավոր է հնարավորինս սեղմ ժամկետում Հանձնաժողով հայտնել այն հանգամանքների մասին, որոնք հանգեցրել կամ կարող են հանգեցնել Լիցենզիայի պայմանների խախտման:

24. Լիցենզավորված անձը պարտավոր է հանրային շարժական կապի ծառայությունների սակագները կամ դրանց ճշգրտումները համատարած կերպով հրապարակել իր գործառնական գրասենյակներում, ինչպես նաև սակագնի առաջարկվող յուրաքանչյուր ճշգրտման վերաբերյալ ծանուցել հանրությանն ու հանձնաժողովին:

6. Պատժամիջոցներ

25. Լիցենզավորված անձի կողմից «Էլեկտրոնային հաղորդակցության մասին» օրենքի, Հանձնաժողովի ընդունած իրավական ակտերի պահանջները կամ Լիցենզիայի պայմանները չկատարելու, ոչ պատշաճ կատարելու կամ խախտելու դեպքում Հանձնաժողովն իրավասու է իր կողմից սահմանված կարգով կիրառել տույժեր և տուգանքներ:

26. Լիցենզավորված անձը չի ենթարկվում պատասխանատվության, եթե նրա գործունեության մեջ արձանագրված խախտումները Ֆորս մաժորի հետևանք են:

7. Ծանուցում

27. Սույն լիցենզիայի պայմաններով նախատեսված իրազեկումը, այդ թվում փաստաթղթերի հանձնումը, կատարվում է օրենքով սահմանված կարգով և ժամկետներում:

